

教育部審定

中學校用

共和國
教科書

中國文學史

商務印書館出版

教育部審定

中國文學史參考書

一冊 八角

〔審定批詞〕

參考書引證得宜於學者教
者皆足資研究准作為中學校參考書用

王夢曾等編 是書依中國文學史章節。凡文章、詩詞、
小說、曲本等。悉為引證原文。并註作者之名氏爵里。精
詳完備。洵為參考必備之書。幸希

公鑒。

商務印書館謹啓



3 0663 2162 5

中學校
教科書

中國文學史

編輯大意

- (一) 本書恪遵部定中學章程編纂以供中學校學生之用
- (一) 部定中學章程中學第四學年國文科兼授中國文學史除講讀作文等外每週約占一時本書共二萬餘言以全年四十週計每週約授五百言足供一年之用
- (一) 本書內容準諸文學變遷之大勢劃分為四編又於每編之內分期敘述以醒眉目
- (一) 編纂方法以文為主體史學小說詩詞歌曲等為附庸文字為文章之源亦著其因革其他經學理學等祇旁及焉
- (一) 采輯材料載籍綦繁不及覩縷惟涉於隱僻者悉所屏棄

(一) 凡遇變遷之際，皆援證分明，俾教者便於指授，學者易於領會。

惟限於篇幅，不及詳證，當另編參考書，以便檢查。

(一) 凡文章詩詞歌曲之源流，悉博攷精稽，著之於冊，其有一時異

製，如唐末皮陸等之詩，宋世白話之詩詞，元世白話之文告，亦刺取其精華，列入以明歧趨，并以博讀者之趣。

(一) 本書託始於癸丑之夏，迄甲寅之夏，始行脫稿，閱一年之久，鉤稽煞費苦心，惟神州載籍浩如烟海，其中掛漏乖誤，知均不免，尚祈閱達君子教而正之。

820.9
119
2

中學教科書


中國文學史

陳垣同志遺書

目次

第一編 孕育時代	一
第一章 六經之遞作	一
第一節 文字之創製	一
第二節 記載文之濫觴	二
第三節 韻文之發軔	三
第四節 論理文之導源	四
第五節 典制文之椎輪	五
第六節 記載文之進步	五
第二章 諸子百家之朋興	七

第一編 目次



A410611

第七節	儒家之文學	七
-----	-------	---

第八節	道家之文學	八
-----	-------	---

第九節	法家之文學	九
-----	-------	---

第十節	縱橫家之文學	九
-----	--------	---

第十一節	餘子之文學	一〇
------	-------	----

第十二節	詞賦家之文學	一〇
------	--------	----

第十三節	詩歌之體變	一一
------	-------	----

第十四節	文字之統一	一二
------	-------	----

第二編	詞勝時代	一三
-----	------	----

第三章	詞賦昌盛時期	一五
-----	--------	----

第十五節	漢初文學之概況	一五
------	---------	----

第十六節	文景朝詞賦之初興	一六
------	----------	----

第十七節	武帝朝詞賦之全盛……………	一六
第十八節	詞賦興後論理文之狀況……………	一七
第十九節	史家紀傳體之成立……………	一八
第二十節	五言詩及樂府之倡始……………	一九
第四章	由詞賦入駢儷之迴翔時期……………	二〇
第二十一節	迴翔之第一期……………	二〇
第二十二節	論理文之格變……………	二二
第二十三節	斷代爲史之託始……………	二三
第二十四節	迴翔之第二期……………	二四
第二十五節	字體之變更……………	二四
第二十六節	迴翔之第三期……………	二五
第二十七節	古史學之發明……………	二七

第二十八節 詩學之復振	二八
-------------	----

第五章 駢儷成立時期	三〇
------------	----

第二十九節 成立之第一期	三〇
--------------	----

第三十節 成立之第二期	三二
-------------	----

第三十一節 記事文之體變	三三
--------------	----

第三十二節 成立之第三期	三四
--------------	----

第三十三節 詩格之變遷	三六
-------------	----

第三十四節 北朝文學之大概	三八
---------------	----

第六章 由駢儷轉古文之迴翔時期	三九
-----------------	----

第三十五節 迴翔之第一期	三九
--------------	----

第三十六節 史學之復盛	四一
-------------	----

第三十七節 古今體詩格之成立	四三
----------------	----

第三十八節	迴翔之第二期	四六
第三十九節	唐詩之極盛	四七
第四十節	迴翔之第三期	四九
第四十一節	詩體之漸衰	五一
第四十二節	詞學之興起	五三
第三編	理勝時代	五六
第七章	古文昌盛時期	五七
第四十三節	宋初文學之狀況	五七
第四十四節	古文之興盛	五八
第四十五節	駢儷文之體變	五九
第四十六節	記事文之體變	六〇
第四十七節	詩格之變遷	六一

第四十八節	詞之昌盛·····	六三
第八章	古文中衰時期·····	六四
第四十九節	古文之式微·····	六四
第五十節	駢文之就衰·····	六五
第五十一節	記事文之就衰·····	六六
第五十二節	時文之興起·····	六七
第五十三節	小說文之體變·····	六七
第五十四節	詩之就衰·····	六九
第五十五節	詞之就衰·····	七一
第五十六節	曲之興盛·····	七二
第九章	古文復盛時期·····	七三
第五十七節	古文之復振·····	七三

第五十八節	駢儷文之復興·····	七四
第五十九節	詩之復興·····	七五
第六十節	詞之復盛·····	七六
第四編	詞理兩派並勝時代·····	七七
第十章	馳騫時期·····	七九
第六十一節	古文家之馳騫·····	七九
第六十二節	駢文家之馳騫·····	八一
第六十三節	史學家之馳騫·····	八二
第六十四節	詩家之馳騫·····	八三
第六十五節	詞家之馳騫·····	八五
第六十六節	曲之復盛·····	八六
第十一章	改進時期·····	八八

第六十七節	古文家之改進·····	八八
第六十八節	駢文家之改進·····	九〇
第六十九節	史學家之改進·····	九一
第七十節	詩家之改進·····	九二
第七十一節	詞家之改進·····	九四
第七十二節	結論·····	九六

中學校教科書 中國文學史

第一編 孕育時代

總述 皇古迄今文學之變遷衆矣及覈其所作大抵不能越六經與夫周秦諸子百家之範圍譬之大河浩瀚導源於星宿海萬山絡繹發脈於崑崙岡也故自羲農暨周秦是爲中國文學孕育時代

第一章 六經之遞作

第一節 文字之創製

未有文字何有文學故人皇氏惟知以結繩爲治洎伏羲氏興始俯察仰觀制乾坤坎離震兌艮巽之八卦蓋卽當時最簡單之象形文字也同時有史皇氏者又感於靈龜負圖丹甲青文因而作

伏羲畫卦

十三經

春秋詩書禮易

左傳公羊傳穀梁傳

考經

三傳

三經

爾雅

字。造黃帝史官倉頡起制六書而文字之用始備六書者一象形。日月是也。二指事上下是也。三會意武信是也。四形聲江河是也。五轉注可也。是也。六假借令長是也。

第二節 記載文之濫觴

結繩刻木記事而已。故文字之用記載最先黃帝首立史官以倉頡爲左史沮誦爲右史其時記載之體例有三種。

(一) 紀年 卽世所傳竹書紀年是也其書託始黃帝記載簡

略爲後世編年史之濫觴

(二) 世本 其書亦託始黃帝記帝王大臣之世系爲後世譜

牒史表等之濫觴

(三) 書 仲尼刪書斷自唐虞然則書不始於唐虞可知也卽

紀事本末
體之始
地理志之
始
異域志之
始

夏小正
王制
周禮
儀禮

其體例觀之蓋卽倉沮等所創所謂左史記言右史記動者
惟至唐虞益臻明備二典三謨備載一君終始是爲紀傳體
記事本末體之濫觴禹作禹貢是爲地理志之濫觴卽六經
之一也時伯益亦作山海經又爲異域志之濫觴

第三節 典制文之椎輪

記典制者夏有小正商有王制至周始呈美備之觀周公旦一代
文豪也詳六官之官屬職掌而作周禮損益前代之冠昏喪祭朝
聘射饗之禮而記之名之曰儀禮一王大法一朝掌故洪纖畢舉
條理井然凡後世史志通典通考等之作皆此爲其椎輪也經孔
子刪訂亦爲六經之一

第四節 韻文之發軔

歌謠在未
有文字之
先

風雅頌

易之哲學

心性哲學

歌謠之興蓋在未。有文字之先。情性所至。自然流露。故古史載葛天氏之民。投足以歌。八閩後。堯時有康衢歌。擊壤歌。虞舜時有卿雲南風。明良喜起等歌。夏有諺。商有頌。音節漸諧。周尙文。婦人女子亦解歌謳。動中律呂。於是太史采於各國。及民間者。謂之風。出自王朝者。謂之雅。頌其文。皆可被之管絃。孔子起刪存。其可爲勸戒者。名之曰詩。亦六經之一也。

第五節 論理文之導源

吾華哲學派別甚衆。卽儒家言亦分二派。

(一) 易之哲學 始於伏羲之畫八卦。重之爲六十四。包涵天

地萬物之精理。

(二) 心性哲學 始於堯禪舜命。辭中允執厥中。一語。

連山

歸藏

周易

嗣是以還。舜既就允執厥中。一語推衍之。發明人心。惟危。道心惟微。惟精。惟一。允執厥中之十六字。心傳商湯更因道心之說。發明生民之有恆性。於是心性哲學之流暢。演易理者。伏羲而後神農。演之。則曰連山。以神農亦稱連山氏也。黃帝演之。則曰歸藏。以黃帝亦曰歸藏氏也。蓋伏羲後。演易者有八索。書序所稱八卦之說。謂之八索。求其義者是也。連山歸藏。特其二種耳。今其書皆亡。惟商之末世。周西伯昌作卦辭。名曰周易。其子旦作爻辭。以窮其變。卽世所傳本是也。是亦六經之一。而論理文。於是萌芽。卽經訓文。亦於是託始矣。

第六節 記載文之進步

周初史載。周書沿自尙書。世本紀年亦仿自古昔。及中世以後。王

官○失○守○草○野○士○夫○始○起○而○操○載○筆○之○權○而○史○學○界○之○卓○著○進○步○者○
遂○有○二○大○特○色○

春秋

(一) 春秋 周世王國侯國各有春秋其簡略大概如紀年之

類○孔○子○名○邱○字○仲○尼○魯○人○抱○道○不○遇○乃○因○魯○史○作○春○秋○以○事○
係○日○以○日○係○月○以○月○係○時○以○時○係○年○視○紀○年○之○僅○書○其○年○者○
詳○略○有○間○矣○且○因○文○字○寓○以○褒○貶○實○為○後○世○史○家○書○法○之○祖○
其○文○章○則○簡○而○明○正○而○奇○獨○有○千○古○亦○六○經○之○一○也○

左傳

(二) 左傳 左邱明因春秋作傳博采事實以證明之非徒解

經○也○其○敘○事○斷○制○詳○略○有○法○實○開○史○漢○之○先○至○文○章○之○奇○麗○
從○容○委○曲○詞○不○迫○切○而○意○獨○深○至○亦○足○以○高○視○千○古○與○其○所○
作○國○語○徒○集○異○聞○以○成○與○戰○國○國○策○等○皆○非○其○儔○匹○也○

第二章 諸子百家之朋興

總述 古之作者皆不著其名。著矣則皆貴族也。自周衰官失，百家蠭起，蓋貴族專制之羈縛斯脫。君主專制之羈縛未來，文人學士各出其心思材力，爭奇競勝，盡態極妍而文學遂臻。睥睨百王，牢籠百代之極高程度，茲更節述之。

第七節 儒家之文學

直接上古之文學而爲統一之研究創始者孔子也。孔子以周流不遇，修訂六經，遂集上古文學之大成。故春秋而外作孝經、論語、贊周易，是孔子長於論理文也。作龜山操、獲麟歌，是孔子長於韻文也。然其偏重在論理，故其弟子曾參作大學，其孫子思作中庸，皆以論理文見長。子思之間接弟子孟軻亦然。軻字子輿，鄒人，作

老子

列子莊子

第八節 道家之文學

孟子七篇與同時荀卿皆長於論理。要之儒家之學，乏高遠之思想。故其文多平實。孟子獨發揚蹈厲雄奇俊偉，橫絕一世。儒者而有縱橫氣，然語約意深，不爲巉刻斬絕之言。究與蘇張輩有別也。

託始於老子。老子姓李名耳，字伯陽，諡曰聃。楚之苦縣人，爲周柱下史。孔子嘗從而問禮焉。其學術思想，皆與孔子成一反比例。其文辭簡約，似論語。當其時，文章猶有六經氣息，不以放縱爲高。及爲老之學者，列圉、寇一縱，莊周起，又縱。列子氣和文緩，似荀子。莊子氣橫文變，似孟子。儒家之文至孟而極，道家之文至莊而極。然儒道二家之文，畢竟不同。孟文機警靈變，莊更益以縹緲。孟文體物入微，莊更益以怪誕。惟南華一經，猖狂妄行而蹈乎大方，後

管子

申韓之學

縱橫之學

世○學○者○皆○喜○讀○之○云○

第九節 法家之文學

託○始○於○管○仲○仲○言○治○尚○法○而○不○能○脫○夫○禮○故○曰○「上服度則六親
固○四○維○張○則○君○令○行○」故○其○爲○文○也○尚○平○易○近○理○且○去○古○不○遠○詞
多○奧○澀○難○讀○及○申○不○害○商○鞅○韓○非○起○始○刻○深○周○至○純○乎○法○家○之○文○
而○韓○非○尤○曲○盡○事○情○鋒○銳○大○露○然○勁○健○有○法○度○亦○法○家○文○之○弁○冕○
也○

第十節 縱橫家之文學

自○春○秋○時○列○國○爭○衡○使○者○往○來○其○間○尚○詞○令○崇○舌○辨○而○縱○橫○之○端○
緒○開○戰○國○初○鬼○谷○子○更○發○明○揣○摩○捭○闔○縱○橫○之○說○蘇○秦○張○儀○師○事○
之○而○其○術○乃○大○明○其○文○多○偏○持○一○端○不○尚○折○衷○然○縱○其○所○之○足○以○

顛倒黑白淆惑聽睹亦一長也。

第十一節 餘子之文學

此外如墨家之文質。名家兵家雜家之文碎。農家之文鄙。然兵家如孫子雜家如呂覽其文多切理。鑒心略其大體。舉其一鱗一爪亦往往非後世所可及。

墨家名家
兵家雜家
農家

第十二節 詞賦家之文學

詞賦之學

當其時於吾華文學界能另闢一新紀元者詞賦是也。六經諸子論理而已。詞賦獨尙辭。自詞賦作而後秦漢以還尙詞尙理兩大派之文學成。剏始者楚人屈平也。孔子刪詩不及楚而周召二南多采江漢之作。荆南文雅振興久矣。平字原遭遇懷王憂讒畏讒乃幽思冥索作離騷二十五篇導源古詩另闢門徑名曰楚辭。平

離騷
楚辭

四言詩
七言詩

既○遭○際○困○窮○故○多○侘○傺○噫○鬱○之○音○然○託○陳○引○喻○點○染○幽○芬○於○煩○亂○
督○擾○之○中○具○惻○款○悱○惻○之○旨○得○三○百○篇○之○遺○音○爲○詞○賦○之○鼻○祖○平○
弟○子○宋○玉○及○楚○大○夫○唐○勒○景○差○皆○效○其○辭○爲○賦○以○名○於○時○而○玉○尤○
爲○傑○出○所○作○九○辯○招○魂○列○於○楚○辭○而○笛○賦○諷○賦○舞○賦○釣○賦○高○唐○神○
女○大○言○小○言○之○屬○更○揚○葩○吐○豔○蹈○乎○大○方○爲○漢○初○學○者○之○先○導○蓋○
詞○本○屈○原○賦○祖○宋○玉○故○世○並○稱○曰○屈○宋○同○時○趙○人○荀○卿○亦○憤○世○嫉○
時○作○禮○知○雲○鬢○箴○五○賦○然○語○平○詞○質○遠○非○屈○宋○敵○也○

第十三節 詩歌之體變

古○詩○三○百○四○言○而○已○間○有○不○然○者○非○其○體○也○自○春○秋○以○還○四○言○詩○
就○衰○其○在○南○方○旣○一○變○而○爲○詞○賦○其○在○北○方○亦○一○变○而○爲○七○言○詩○
如○寧○戚○飯○牛○歌○孔○子○臨○河○歌○獲○麟○歌○伯○牙○水○仙○操○荆○軻○易○水○歌○皆○

是。至。荀。卿。成。相。篇。更。三。言。四。言。七。言。相。間。成。文。又。爲。後。世。樂。府。倚。聲。之。濫。觴。也。

第十四節 文字之統一

古文 籀書 小篆 大篆 刻符 蟲書 摹印 弋書

自史倉造字。迄於三代。制不相襲。書不同文。形變體殊。靡得而紀。周宣王時。太史籀著文十五篇。增減古文。名曰籀書。其書名曰史篇。然孔子書寫六經。仍用古文。七國紛亂。言語異聲。文字異形。秦并天下。丞相李斯始奏同之。於是李斯改史篇爲小篆。以史籀所作爲大篆。程邈又增減大小篆。方圓爲書三千。始皇帝名之曰隸書。於是大小篆施諸簡冊。隸書施諸公府。此外又有刻符施諸符傳。蟲書施諸幡信。摹印施諸璽印。署書施諸題署。弋書施諸戈戟。是謂八體文字。而天下始同文焉。

第二編 詞勝時代

總述 自卯金應運詞賦大興名儒俊才後先役心沿及李唐互千餘歲大抵以文辭相尚是曰詞勝時代其原因如下

(一) 關於學術者

(甲) 經學之崇尚 自孔子修六經弟子各以其師說轉相

傳受而經學始昌漢武帝更以董仲舒衛綰言罷斥百家尊崇儒術於是興太學置博士弟子員風氣既開下逮魏晉南北朝隋唐學士大夫莫不以名物章句訓詁相尚影響所及文學亦崇尚文詞不復顧及質實之理矣

(乙) 字學之普及 漢本古道崇尚字學故蕭何著律學童

能諷籀書九千字以上者乃得爲史因是一代文豪往往

士夫趨向

君主提倡

(二)

(甲)

有字書之著作。司馬相如有凡將篇、揚雄有訓纂篇、降及李唐，猶以說文字林試士，積之厚者，流自光也。

關於風氣者

(乙)

士夫之趨向。漢初受原玉之影響，以能爲楚辭爲文。人之極軌，故儒生如賈長沙、董江都、詞客如枚乘、嚴忌、司馬相如、朱買臣、枚皋、嚴助等，史皆以是稱之。士林遂蒸成風氣，歷千餘年而弗衰。

君主之提倡

漢初諸帝不喜文辭，而藩王如吳王濞、

楚元王交、梁懷王揖、孝王武皆好之。二梁王提倡尤力，文

學之士如賈誼、枚乘、嚴忌、司馬相如之徒，多出其門下。及

武帝立，性喜文辭，而在位更久，風氣遂成。後如曹魏、蕭梁、

因是詞賦風尚得綿歷至千載之久今更分爲四期述之。
亦以帝王躬自倡率文皇功成尤喜騁詞華云。

第一期 詞賦昌盛時期〔自漢初迄武帝〕

第二期 由詞賦入駢儷之迴翔時期〔自漢宣帝迄西晉之

末〕

第三期 駢儷成立時期〔自東晉迄梁陳〕

第四期 由駢儷轉古文之迴翔時期〔自隋至唐五代〕

第三章 詞賦昌盛時期

第十五節 漢初文學之概況

秦時文家以李斯爲巨擘。斯楚人故其文亦尙辭采然體格氣息猶是諸子百家之舊也。漢初兵革甫息藩封徧地隱然戰國紛爭。

之局因之。當世文人亦沿先秦之風。酈食其、李左車、蒯通、武涉、隨何、陸賈之倫。則根本於蘇張之縱橫。賈山、賈誼、晁錯之流亦出入於孟荀、孫吳、管晏。天下多故。尙未可以談風雅事也。

第十六節 文景朝詞賦之初興

文景二帝不尙辭賦。而辭賦之興起。轉在是時。荆始者賈長沙誼也。誼洛陽人。以不得志於時。有惜誓。弔屈原、鵬鳥諸作。師法原玉。風氣既開。鄒陽枚乘、淮南小山嚴忌、夫子等繼之。長沙小山諸賦。尙恪守楚騷之範圍。枚叔七發。則脫胎於天問。七諫對楚王問諸篇。以變化出之。跌蕩怪麗。漢賦之端緒啓矣。

第十七節 武帝朝詞賦之全盛

武帝時之

武帝雅好文學。所作詔令亦華縟藻飾。斐然過於高帝。文景故列。

文家

侍○左○右○彬○彬○多○文○學○之○士○莊○助○最○先○進○朱○買○臣○吾○邱○壽○王○繼○之○初○
有○司○馬○相○如○者○字○長○卿○成○都○人○武○帝○立○讀○其○子○虛○賦○而○善○之○遂○因○
左○右○言○召○之○至○請○爲○天○子○游○獵○賦○武○帝○歎○賞○繼○至○者○有○東○方○朔○枚○
皋○終○軍○等○而○相○如○爲○之○魁○其○上○林○子○虛○諸○賦○雖○導○源○高○唐○好○色○而○
詞○藻○氣○體○實○勝○之○次○之○者○朔○皋○也○朔○詞○雜○詠○諧○皋○與○之○同○病○然○特○
敏○疾○朔○文○以○答○客○難○非○有○先○生○論○二○篇○爲○最○善○氣○魄○辭○采○不○如○皋○
視○皋○爲○稍○近○正○而○長○卿○倜○儻○乎○遠○矣○

第十八節 詞賦興後論理文之狀況

詞○賦○興○後○散○文○作○家○遂○不○能○如○漢○初○之○盛○然○大○家○亦○時○出○其○間○如○
董○仲○舒○之○天○人○三○策○去○長○沙○家○令○之○急○切○而○出○之○以○涵○養○最○爲○理○
醇○氣○正○公○孫○宏○之○賢○良○策○對○亦○溫○厚○儒○雅○他○如○主○父○偃○之○諫○伐○匈○

漢代散文
作家

奴書煌煌數千言。文亦疎快。徐樂、嚴安之言世務。又皆整潔有度。至司馬遷之文。橫絕千古。亦產於是時。洵乎文學之盛。以漢武五十餘年爲極軌矣。

第十九節 史家紀傳體之成立

史記之所
由作

遷生龍門。父談。武帝初爲太史令。欲論箸歷代之史。未成而卒。遷既嗣父職。乃發凡起例。成帝紀列傳世家表書等百三十篇。爲空前之絕大著作。實國史紀傳體之鼻祖也。顧遷之所長不在例。而在其文。其例則紀傳世家本之尚書國語諸表本之世本八書本之禹貢周官。遷不過獵取前人之所長。薈而萃之。於一篇而已。其所以巍然爲百世文史二家祖者。在其文善敘事理。辨而不華。質而不俚。無美不臻。無善不備。唐宋以還之古文家。得其一鱗一爪。

卽足以傲睨一世以嗣左氏洵無媿矣。

第二十節 五言詩及樂府之倡始

當是時。又有五言詩。及樂府之創作。漢世詩樂始分。高祖大風歌。承周末風氣。七言詩也。唐山夫人安世房中歌。則影響於荀卿成相。三言四言錯出者。漢皆以爲樂。高祖鴻鵠歌。商山四皓紫芝歌。韋孟諷諫詩。四言也。漢乃以爲詩。至文景時。而五言詩始作。倡始者。枚乘也。今所傳古詩十九首。如青青河畔草。西北有高樓。涉江采芙蓉。庭中有奇樹。迢迢牽牛星。東城高且長。明月何皎皎等篇。玉臺新詠。皆以爲枚乘作。武帝喜作七言詩。瓠子歌之。古與秋風辭之。婉麗。及柏梁臺成。君臣之唱和。皆是物也。而文人獨喜爲五言。卓文君有白頭吟。蘇武李陵有河梁詠別。而蘇李之詩尤意長。

武帝建立
樂府

詞賦之變
排偶自王
褒始

神。遠。音。和。調。適。足。爲。百。代。五。言。祖。漢。詩。於。是。爲。盛。且。自。高。祖。定。房。中。歌。十。六。章。爲。祠。樂。武。帝。定。郊。祀。禮。遂。建。立。樂。府。采。詩。夜。誦。有。趙。代。秦。楚。之。謳。以。李。延。年。爲。協。律。都。尉。集。司。馬。相。如。枚。皋。等。諸。文。學。士。爲。郊。祀。歌。十。九。章。漢。於。是。樂。府。始。備。此。宋。元。以。來。詞。曲。之。先。聲。也。

第四章 由詞賦入駢儷之迴翔時期

第二十一節 迴翔之第一期

自。昭。宣。後。暨。東。漢。初。年。是。枚。馬。雖。變。原。玉。體。格。而。宛。轉。以。達。旨。錯。綜。以。成。文。仍。不。失。詞。賦。之。本。來。面。目。及。宣。帝。修。武。帝。故。事。徵。能。爲。楚。辭。者。被。公。劉。向。張。子。僑。華。龍。柳。褒。等。而。王。褒。亦。以。軼。材。徵。褒。蜀。人也。其所爲文一以排偶出之。今觀其所作聖主得賢臣頌。

夫荷旃被毳者。難與道純綿之麗密。羹藜含糗者。不足與論太牢之滋味。臣辟在西蜀。生於窮巷之中。長於蓬茨之下。無有遊觀廣覽之知。願有至愚極陋之累。不足以塞厚望。應明指。（下略）

是實上變枚馬下啓崔蔡者也。及成哀間。揚雄者起。獨自異焉。雄亦成都人。其爲文好摹擬相如。所作長楊賦。與相如子虛賦竟同一格調。王褒排偶風氣已開。文章欲變而卒不變。雄與有功焉。繼之者有班固、張衡、固扶風人。感前世相如、壽王、東方之徒爲文。所作兩都賦。效子虛、上林而恢張之。雖傷繁衍。固猶是相如之格調也。衡、南陽人。常擬班固兩都作兩京賦。研思十年。說者謂西京雄麗足敵蘭臺。東京則氣不足舉其辭。司馬流風至此又稍衰而欲

轉矣。

第二十二節 論理文之格變

論理之用
排衍自馮
衍始

與王褒同時者有劉向。向字子政。楚元王之後。其文貫串羣籍。博
大過江都。精微或不逮。然筆意特較江都爲不平。子歆博洽如之。
而尤有雄傑氣。迨東海馮衍作文。格斯變。衍字敬通。京兆人。其所
爲文。始一以排衍出之。如說廉丹、說鮑永、自陳疏皆然。茲節其自
陳疏示如下。

臣伏念高祖之略。而陳平之謀。毀之則疏。譽之則親。以文帝之
明。而魏尚之忠。繩之以法。則爲罪。施之以德。則爲功。逮至晚世。
董仲舒言道德。見妒於公孫弘。李廣奮節於匈奴。見排於衛青。
此忠臣之常所爲流涕也。（下略）

自是以還。若王充之論衡。王符之潛夫論。仲長統之昌言。崔實之政論。荀悅之申鑒。其論述時事。辨別失得。大率排衍而無俊偉磊落之概。詞賦變駢儷而未成論理文。且先之矣。

第二十三節 斷代爲史之託始

龍門所作通史也。自班固受詔編漢書。就前漢一代之事蹟。成紀傳表志百二十卷。後世斷代爲史。始此。其書武帝以前多采史記。太初以後又雜以史。孝山褚少孫。揚雄。劉歆。班彪。曹大家之文。體駁而未純。不如史記出於談遷父子兩人手之精粹也。且史記疏漢書密。史記宏放。漢書詳整。就史言漢書爲得就文言漢書遜於史記一籌矣。

第二十四節 迴翔之第二期

自明章迄東漢末是也。馮敬通既以排衍變論理文之格，及作顯志賦，亦體仿離騷，詞尙排比，而駢體遂於是託始。敬通嘯王褒之燼，班固崔蔡更從而張其焰，固作典引，裁密思靡，實開駢體科律。駟擬揚雄解嘲作達旨，又詞排而旨浮，豈感東方朔客難及揚雄、班固、崔駰之徒作釋譎，亦尙排衍，且才不赴見，氣益靡矣。當此潮流，猶有古調，獨彈提倡枚馬之作者，馬融王延壽是也。融作廣成賦，典麗喬皇，波瀾壯闊，延壽作魯靈光殿賦，藻采煥發，氣機流動，有西京之遺，然東京之文排不必偶，駢不必儷，雖氣格遜西京，究與魏晉有別也。

第二十五節 字體之變更

秦既作篆隸，漢世雖兼習八體，然惟符璽幡信用篆，餘悉用隸。秦

艸書

八分書

章程書楷
書行書

魏晉之文
家

時。又。有。草。書。世。未。通。行。及。漢。元。帝。時。黃。門。令。史。游。作。急。就。章。始。以。草。書。書。之。但。其。字。尚。有。波。磔。東。漢。文。體。既。改。字。體。亦。大。變。張。芝。作。一。筆。草。書。王。次。仲。作。八。分。書。陳。遼。創。變。體。施。諸。章。表。箋。記。程。課。之。事。謂。之。章。程。書。鍾。繇。傳。之。今。爲。楷。書。劉。德。昇。又。作。行。書。而。字。體。至。是。始。備。

第二十六節 迴翔之第三期

三國之初。曹氏父子。建安七子。俱以能文鳴。然魏武長於筆而不文。文帝窘於思而不宏。孔融長於筆。王粲長於賦。徐幹長於論。陳琳阮瑀長於符檄。劉楨應瑒長於書記。有兼綜諸家之長而爲一時之霸者。陳思王曹植也。植字子建。其所爲文。規摹東京。更加之以整潔而駢儷之。馥益張矣。今試舉其洛神賦證之。

（上略）其形也。翩若驚鴻。婉若游龍。榮曜秋菊。華茂春松。髣髴兮若輕雲之蔽月。飄飄兮若流風之回雪。遠而望之。皎若太陽升朝霞。迫而察之。灼若芙蕖出綠波。（下略）

好語如珠。六朝靡麗之端。實自植而開。時吳薛綜所爲。與諸葛恪等書亦然。及陸機作斯風。益暢晉初。張華、孫楚、摯虞、束皙、嵇康、阮籍之倫。雖清奇濃淡。各有所長。大抵步趨魏氏。仰鑽兩漢。不斤斤於駢儷。機、吳人也。太康之末。與其弟雲入洛。皆文藻宏麗。裁對精工。而士衡尤爲秀特。讀其豪士賦、文賦。轉憎植、粲。連珠五十。更大開四六之門。駢儷至此。幾如馳騏驎而下。峻阪不可控勒矣。特魏晉之交。北方文人猶多墨守兩漢之矩矱。如曹元首之論六代。奔放具西京遺風。何平叔之賦景福。適麗亦東都委蛻。當機雲入洛。

北方有載協亢之三張。亦皆志抗曹王。派追枚馬。與機雲同時者。有潘岳。其藉田射雉諸賦。氣雄力沉。何異馬班。與安仁齊名者。有左思。所作三都賦。藻采不逮士衡。能令士衡閣筆。蓋其機局格調。直欲軼植粲。而磨揚班之壘也。中流砥柱。賴有是耳。

第二十七節 古史學之發明

常是時。史學之循舊體例而作者。有晉陳壽之三國志。其尊魏爲正統。後世雖非之。然古今列爲正史。其新發明者。卽古史是也。司馬遷作史記。斷自黃帝。自漢世讖緯之學大興。學者率以之解經。卽以之抄撮著古史。吳韋昭有洞記。起庖犧。蜀譙周有古史攷。以神農炎帝爲二人。語最可信。晉皇甫謐作帝王世紀。起三皇。由是皇古之事。始稍稍可說云。

第二十八節 詩學之復振

自漢武後。詩道寢衰。元成間。惟韋玄成自劾。詩古茂淵懿。可與韋孟在鄒。篇匹敵。四言也。班婕妤怨歌。用意微婉。音韻和平。可稱一時翹楚。五言也。嗣後四言如傅毅之廸志。不足以踵二韋之武。七言如班固東都賦詩。幾類有韻之文。至於梁鴻五噫。張衡四愁。自成一體。難語大雅。惟蔡邕飲馬長城窟行。纏綿宛折。秦嘉留郡贈婦詩。和易動人。然於西漢渾厚之風。邈矣。迨建安諸子作而詩道一振。魏武沈雄。仿佛三侯。文帝婉約。依稀秋風。而陳思更五色相宣。八音朗暢。足以上繼蘇李。下開百代。今舉其有關係於後世詩學界者。條述之。

(一) 調 古詩不假思索。子建則起調必工。如鰕鮠篇之鰕鮠。

建安諸子
之詩學

游潢潦。不知江海風。泰山梁父行之。八方各異氣。千里殊風雨。皆噴薄而出。有意爲之。

(二)

字。古詩不假烹鍊。子建則用字獨工。如莖篲引之驚風。

飄白日。光景馳西流。贈徐幹之。文昌鬱雲興。贈丁儀之。凝霜。

依玉除。皆使字尖穎百鍊而後出。

(三)

聲。古詩節奏天然。陳思則平仄妥貼。如聖皇篇之鴻臚。

擁節旄。副使隨經營。情詩之游魚潛綠水。翔鳥薄天飛。始出。

嚴霜結。今來白露晞。皆音調鏗鏘。漸露唐律端倪。

此漢魏之所以判也。然結體行氣。尙未失西漢之舊。七子以公幹。

仲宣爲最。擬之陳思。亦漢高之韓彭也。晉初張華傳玄。皆能詩。束。

皙補亡。亦饒風雅。機雲並作專工。詠物於古詩言志外。另闢塗徑。

堆。塼。排。偶。與。潘。岳。同。爲。變。兩。漢。空。靈。矯。健。之。風。格。而。入。於。鋪。排。淺。靡。者。也。於。其。時。詩。人。有。足。爲。蘇。李。繼。聲。者。阮。籍。左。思。是。也。嗣。宗。詠。懷。天。機。洋。溢。太。冲。詠。史。疎。野。間。曠。皆。風。骨。峻。上。足。障。潘。陸。之。頽。波。者。

第五章 駢儷成立時期

第二十九節 成立之第一期

東。晉。一。代。是。其。初。劉。琨。振。厲。於。北。勸。進。北。伐。兩。表。勁。氣。直。詞。迴。薄。霄。漢。郭。璞。挺。秀。於。南。江。賦。南。郊。兩。賦。沈。博。絕。麗。高。抗。馬。班。蓋。猶。有。漢。魏。之。遺。意。也。葛。洪。與。景。純。齊。名。而。博。喻。廣。譬。諸。篇。遂。大。噓。士。衡。連。珠。之。燄。茲。舉。博。喻。篇。中。一。段。如。下。

閨。風。玄。圃。不。借。高。於。丘。垤。懸。黎。結。綵。不。假。觀。於。瓊。珉。是。以。英。偉。

關於國勢

關於學術

關於習尚

不羣而幽蕙之芬駭峻概獨立而衆禽之響振
辭采不逮士衡而體格摹仿鬚眉畢肖可謂竭力鼓吹矣特東晉
自郭葛而後文學頓衰其原因有三

(一)

關於國勢者目五胡亂起典午東渡中原士夫播遷流離
加以州鎮跋扈忌刻爲懷是以孫綽取忌於桓溫謝混不
容於劉裕士氣摧抑文學遂深受其影響

(二)

關於學術者孫興公嘗云三都兩京五經之鼓吹自典
午東渡經學不講士大夫皆役心於老莊之學先是魏氏父
子好尚文詞何晏王弼乃務爲清談以相勝學窮柱下理究
南華虛勝者實病遒麗之辭遂無聞於世

(三)

關於習尚者自魏武尚放達賤禮教竹林七賢遂以任

達聞士夫習於樂利尙肯如平子二京太冲三都苦心探索。至十年之久乎且自三國以還佛教隆盛東晉士夫好從之遊此亦跌蕩虛無之習也文學受損宜矣。

是故郭葛而後織文之士惟庾闡曹毗孫綽許詢袁宏數輩大概局小氣靡斯文之厄漢以來所未有也。

第三十節 成立之第二期

東晉末及劉宋一朝是也蓋自王坦之爲廢莊論范甯爲罪王何論士氣稍振文風亦丕變義熙而後殷仲文始革孫許之風謝叔源（混）大變太元之氣然仲文玄氣猶未盡除謝混清新得名未盛陶淵明歸去來辭超然物外此則不能以風氣繩者也劉宋之世顏謝繼興並稱江左文章第一靈運文興會飈舉延年文體

劉宋朝之
文家

裁明密。然觀二子所作。駢四儷六。又較郭葛爲工整矣。惟其樹骨以立幹。驅氣以運詞。猶有漢魏遺意。至若鮑明遠之俊逸。謝惠連之清發。則并此不解。而袁淑禦虜議。更雕繪滿眼矣。

第三十一節 記事文之體變

自王褒馮衍倡始。而論理文之體變。然史家載筆。文人記述。猶循左馬舊軌。晉人以蜀諸葛亮不立史官爲大缺憾。因是作者甚衆。後漢書自晉以來著者十餘家。宋范曄輯成九十九卷。後人又以晉司馬彪續漢書志三十卷附入。始成今本。然則范書尙非完本也。其紀傳亦多采前人。如隗囂公孫述馬援等傳。皆班固筆。惟序論贊則出范曄手。而其文多排偶。示如下。

宦者傳中有云。若夫高冠長劍。紆朱懷金者。布滿宮闈。苴茅分

虎南面臣人者。蓋以十數。府署第館。棊布於都鄙。子弟支附。過半於州國。南金和寶。冰紈霧縠之積。盈仞珍藏。嬙媛侍兒。歌童舞女之玩。充備綺室。狗馬飾雕文。土木被緹繡。（下略）

如此之類。不堪枚舉。蓋是時。碎誌傳狀。記事之文。往往駢四儷六。風氣既開。載筆者亦受其影響也。

齊梁陳三朝之文家
關於風會

第三十二節 成立之第三期

齊梁陳三朝是也。駢文體格至是始完全成立。其原因有三。

（一）關於風會者。自王褒馮衍以還。歷六百餘年。始而排繼而偶。又繼而麗密。然爲漢人風骨所束縛。欲垂未下者久矣。至東晉南宋而風骨微。齊梁始一味裁章宅句。密藻麗思。而駢文遂呈完備之觀。

(二) 關於研究者 自駢文盛行以來承學之士宗尙不一梁

昭明太子統始築樓選集周漢以來諸作者之文爲文選三十卷劉勰更探幽索隱撰文心雕龍五十篇統樹之準勰明其法學者得之遂舍短取長益求工整而文格以成

(三) 關於學術者 自漢末孫炎發明切音之學魏李登又以

宮商五聲命字作聲類一書齊周顒更以平上去入四聲易五聲作四聲切韻本以正字音也乃齊永明中沈約謝朓王融遂盛倡文章當講四聲之說於是文章之音節亦悉諧矣當時作者任昉沈約最爲著名梁陳之際則推庾信徐陵任長於筆沈長於文庾長於碑誌徐長於書記要其所作皆修飾章句調和宮商綜貫前賢牢籠百代其次則蕭梁諸帝皆工製作又如王

儉之碑。疎雋可觀。江淹之賦。纏綿有致。劉峻之論。疏越動聽。陸倕之銘。整栗自然。亦不媿一代作手。後世雖菲薄之。然不能廢也。

第三十三節 詩格之變遷

東晉之初。越石清勁。景純婉麗。與左思鼎足。自是而後。作者寂然。晉末陶潛崛起。清悠澹永。有自然之致。宋以還。詩謝氏清鮮。顏氏雕琢。鮑參軍五言。足與抗行。其樂府則奇調獨創。擬行路難。梅花落。諸作實開唐人李白樂府之先。

此外有謝莊。謝瞻。謝惠連。法曹稍溫麗。世並靈運。與齊謝朓號曰三謝。然康樂厚重。元暉流利。所得故自不同。且三謝詩多唐音。元暉更肇唐絕。如玉階怨云。

夕殿下珠簾。流螢飛復息。長夜縫羅衣。思君此何極。

宋齊梁陳
之詩家

蓋是時。沈隱侯。提倡四聲。八病之說。聲律漸諧。元暉猶其有古致者。梁世諸帝。並善吟咏。不過豔情。沈約江淹。稍知自異。庾肩吾。何遜。亦當代名家。然其時作者。多氣骨卑靡。如一邱之貉。梁蕭子顯。南齊書文學傳贊云。『今之作者。雖衆。略有三體。一則啓心閑繹。托辭華曠。宜登公宴。本非準的。而疎慢闡緩。膏肓之病。此體之源。出靈運而成也。次則緝事比類。非對不發。或全借古語。用申今情。唯覩事例。頓失精采。此則傳咸五經。應璩指事。雖不全似。可以類從。次則發唱驚挺。操調險急。雕藻淫豔。傾炫心魂。猶五色之有紅紫。八音之有鄭衛。斯鮑照之遺烈也。』斯言亦可謂允矣。厥後庾肩吾。子信。吟詠清新。尤爲唐人所稱。烏夜啼。詠畫屏風等。實開唐律之宗。陳陰鏗。徐陵。尙非江沈比。江總。徒工爲豔體。顧其格調。則

亦。子。山。之。流。也。三。朝。之。詩。變。漢。魏。而。未。成。非。驢。非。馬。不。如。其。文。遠。矣。

第三十四節 北朝文學之大概

自典午失馭。神州中分。河淮以北。五胡雲擾。文章事業。致不如南。其大勢。凡三變。自兩趙迄魏。之太和爲第一期。干戈擾攘。提倡無人。章奏符檄。尙粲然可觀。體物緣情。則寂寥於世。自太和迄北齊。爲第二期。孝文遷洛。注意文辭。於是袁翻則才稱澹雅。常景則思標沈鬱。翻有思歸賦。景有四賢讚。而體物緣情之作起矣。溫子昇。邢邵繼之。魏收又繼之。三人皆一時之傑。然河朔質實。江左清綺。自是判然。北周一朝。爲第三期。宇文泰得武功蘇綽而信任之。綽爲文頗出入於周秦。諸子賈董。泰病當世文章浮靡。適魏帝祭廟。

遂命綽仿尙書體作大誥其辭曰。

惟中興十有一年仲夏庶邦百辟咸會於王庭柱國秦洎羣公
列將罔不來朝時乃大稽百憲敷于庶邦綏我王度皇帝曰昔
堯命羲和允釐百工舜命九官庶績咸熙武丁命說克號高宗
時惟休哉朕其欽若格爾有位胥暨我太祖之庭朕將丕命女
以厥官（下略）

自是之後文筆皆依此體故閔帝明帝武帝諸詔誥皆古樸淵懿
然自兼并荆梁顏之推入齊王褒庾信入周北方人士如響應聲
靡然從風卽泰亦醉心焉。

第六章 由駢儷轉古文之迴翔時期

第三十五節 迴翔之第一期

自隋迄唐初武后之世。是隋承周後。王褒庾信之風大盛。文帝獨不喜之。開皇四年。下詔公私文翰。並宜實錄。表奏有過華豔者。付所司治罪。故開皇仁壽之間。上之逮下。下之達上。其文多斲雕爲樸。體格雖循梁陳之舊。文詞務追秦漢之風。然實不古不今。變而適得其俗。一時作家。亦深受其影響。如盧思道之論勞生。李德林之論天命。許善心之頌神雀。薛道衡之碑老氏。皆體近凡俗。詞涉淺俚。唐運宏開。翻然以徐庾爲宗。所必至也。初虞世南。李百藥。岑文本。許敬宗之倫。猶沿隋代餘習。及文皇投戈講藝。師法徐庾。崇尚纖麗。風氣一變。嗣是王勃。楊炯。盧照鄰。駱賓王之四傑。作揚葩吐豔。炫博矜奇。一時稱盛焉。勃文宏放。盈川文思如懸河。自言恥居王後。愧在盧前。然不免點鬼簿之誚。終非王敵也。昇之才氣不

唐初四友

如王、楊、賔、王亦然。四傑後有崔融、李嶠、蘇味道、杜審言之四友。味道模稜，審言狂誕，文亦如之。融爲武后哀冊文，最高麗。嶠文富才思，總之初唐之文，以徐庾爲模楷，以文選爲根柢，此其大較也。

第三十六節 史學之復盛

梁陳齊周
隋五代史
晉書
南北史

魏晉以來，史學衰。壽志過於簡略，沈約宋書符瑞列志殊失體裁。魏收魏書則當時已有穢史之目。其他晉及梁陳諸史亦無完善之著作。唐興，斯道復振，蓋其時有大史學家。令狐德棻者，起而唐於所修各史，不復行以苟且，故能超前軼後。武德中，德棻首建言修梁、陳、齊、周、隋、五代史。貞觀更修，其書始成。總其事者，德棻與魏徵也。十八年，又受詔與房玄齡等修晉書。體制亦取決於德棻。李延壽作南北史，且從而就正焉。然南北史實爲佳著，自此書行，宋

齊、梁、陳、魏、齊、周、隋各史。遂罕有習者。蓋其書本創始於延壽父大師。歷時既久而采取各史。又多略去蕪詞。專敘實事。簡括明白。易觀覽也。諸史亦各有所長。梁、陳二書。姚思廉本因其父察在陳時所修未成之本。更采輯各史訂正之。故其書簡嚴完善。北齊書殘缺。後人多采北史補之。不能得其真相。周書簡勁。隋書更爲嚴淨。視南北史之以瑣言碎語生色者。有過之無不及。其十志則貞觀十五年太宗詔于志寧、李淳風、韋安仁、李延壽等所撰也。通括五代尤足以上繼馬班。修晉書者皆一時文學之士。故忽正典。取小說。然當時已有詳洽之稱。而李淳風所修天文律歷五行三志。尤爲精核。至史論競爲豔體。則沿襲范、沈諸史。而然蓋當時風氣如此。溫大雅作大唐創業起居注。劉幾知作史通。其文且皆以駢偶。

也。行○之○况○論○贊○乎○時○惟○梁○陳○二○史○以○思○廉○父○創○始○著○述○卽○用○散○文○不
尚○駢○偶○思○廉○承○之○序○述○傳○論○悉○勁○氣○銳○筆○曲○折○朗○暢○誠○空○谷○足○音

第三十七節 古今體詩格之成立

詩○至○唐○初○古○今○體○始○明○隋○世○薛○道○衡○之○昔○昔○鹽○盧○思○道○之○游○梁○城○
沿○徐○庾○之○體○今○體○排○律○之○導○也○煬○帝○飲○馬○長○城○窟○行○白○馬○篇○楊○素○
山○齋○獨○坐○及○贈○薛○播○州○諸○作○則○又○氣○體○宏○遠○有○魏○晉○遺○意○唐○人○古○
體○之○淵○源○也○唐○初○虞○世○南○魏○徵○詩○風○骨○益○峻○王○楊○盧○駱○則○詞○華○旨○
靡○猶○是○陳○隋○氣○味○然○風○格○漸○整○其○所○作○遂○不○曰○古○詩○而○曰○排○律○蓋○
昔○昔○鹽○等○調○尙○未○叶○至○此○始○整○潔○和○婉○可○誦○昔○昔○鹽○等○長○短○無○定○
排○律○則○初○用○六○韻○後○用○八○韻○間○有○出○入○然○亦○僅○矣○又○就○徐○庾○等○作

而整齊之名曰五律。如王勃遊三覺寺詩。

杏閣披青磴。瑯臺拱紫岑。葉齊山路狹。花積野壇深。蘿幌棲禪

隱。松門聽梵音。遽忻陪妙躅。延賞滌煩襟。

惟詞旨纖麗。律詩之格調雖開。而風氣尙未脫陳隋餘習也。其所

作五古七古皆然。自陳子昂繼虞魏而起。追蹤魏晉。一洗齊梁之

靡。靡所作感遇詩三十八首。風骨峻上。仿佛在黃初間也。今舉示

如下。

其第三十四首云。朔風吹海樹。蕭條邊已秋。亭上誰家子。哀哀

明月樓。自言幽燕客。結髮事遠遊。赤丸殺公吏。白刃報私仇。避

仇至海上。被役至邊州。故鄉三千里。遼水復悠悠。每憤胡兵入。

常爲漢國羞。何知七十戰。白首未封侯。

自是唐世古風之體格。斯成其律詩。則氣厚力雄。而調未盡洽。杜
審言稍加整栗。及沈佺期。宋之問。二人起。裁成六律。彰施五采。言
之。而中倫歌之。而成聲。今舉宋詩一首示如下。

宋之問。途中寒食云。馬上逢寒食。愁中屬暮春。可憐江浦望。不
見洛橋人。北極懷明主。南溟作逐臣。故園腸斷處。日夜柳條新。
故學者爲之語曰。蘇李居前。沈宋比肩也。七律亦造端於二人。沈
尤高華。今舉其古意一首示如下。

盧家少婦鬱金香。海燕雙棲玳瑁梁。九月寒砧催木葉。十年征
戍憶遼陽。白狼河北音書斷。丹鳳城南秋夜長。誰爲含愁獨不
見。更教明月照流黃。
於是唐代詩格始成。自魏晉以來。變態萬端。至此始爲一結束。則

四。傑。陳。杜。沈。宋。整。齊。之。功。也。

第三十八節 迴翔之第二期

自。中。睿。迄。德。宗。之。世。是。也。先。是。子。昂。於。詩。開。古。風。一。體。於。文。亦。欲。斷。雕。爲。樸。駢。散。皆。然。又。有。北。京。三。傑。者。富。嘉。謨。吳。少。微。谷。倚。是。也。亦。排。斥。浮。俚。原。本。經。術。雅。厚。雄。邁。爲。人。所。爭。慕。號。吳。富。體。於。是。徐。庾。之。風。爲。之。一。變。景。龍。後。燕。國。公。張。說。許。國。公。蘇。頲。並。掌。制。誥。號。燕。許。大。手。筆。許。文。敏。瞻。燕。文。精。壯。體。製。則。取。精。於。六。朝。氣。息。則。追。蹤。於。兩。漢。同。時。張。九。齡。韓。休。其。文。亦。高。雅。清。超。不。減。燕。許。其。後。有。蕭。李。穎。士。根。柢。湛。深。健。爽。自。肆。時。謂。聞。蕭。氏。之。風。者。童。子。羞。稱。曹。陸。華。文。詞。采。煥。發。然。殊。少。雄。傑。氣。非。穎。士。敵。也。蕭。李。後。有。常。楊。袞。長。於。除。書。炎。善。爲。德。音。采。瞻。雄。蔚。堪。繼。燕。許。云。其。時。又。有。陸。宣。公。

北京三傑
吳富體

燕許大手
筆

唐詩有初
盛中晚之
變遷

盛唐

贊者。當興元之初。掌制誥之筆。敷陳論列。一以駢偶行之。此自古未有也。雖纂組輝華。宮商諧協。卻於排比之中。行以流走之氣。蓋唐文至是。又將變矣。

第三十九節 唐詩之極盛

有唐一代。詩爲其特色。明高廷禮析其詩學之變遷爲四時期。自開國以至開元曰初唐。自開元至大歷曰盛唐。自大歷至太和曰中唐。太和以還曰晚唐。初唐詩前旣言之矣。盛唐風氣。玄宗實有開創之功。讀其早度蒲關。幸蜀西至劍門諸詩。雄健有力。風裁峻整。於排比之中。行以蘇李魏晉之氣。其時張說之七古。張九齡之五古。亦沈雄清醇。足以扶翼正聲。而曲江感遇。尤能上繼射洪。下開供奉。於是風雅大作。王維、孟浩然、李頎、岑參、高適、王昌齡、儲光

羲之倫。後先繼起。笙鏞琴瑟。並奏競陳。迨李杜興。更發揚蹈厲。菁華極盛。大率出入風騷。祖尙魏晉。五古如王右丞、孟山人、儲太祝。皆學陶王。得其清腴。孟得其閒遠。而李供奉則學阮。與射洪、曲江同其宗。而更出之以曠達。少陵不主一家。材力標舉。縱橫揮霍。又不能以一概論矣。七古王、李、高、岑。安詳合度。供奉加之以恣肆。少陵又濟之以沈雄。五律王、孟悠然自得。太白穠麗。復運以曠遠奇逸之思。工部更於四十字中。包涵萬象。七律右丞獨出冠時。東川亦春容大雅。高、岑可賡同調。太白好運古於律。終非所宜。少陵亦不免。然尙不至如太白之一味以顛倒出之也。故其詩。遂能馳騁古今。包涵天地。而杜詩勝人處。尤在長律。數十韻百韻中。運掉變化。如龍蛇穿貫。古今如一綫。實開未有之奇。五絕右丞、太白並皆

佳。妙。七。絕。王。龍。標。李。供奉。獨。稱。神。品。右。丞。懷。惋。高。岑。激。壯。次。之。杜。所。不。及。者。獨。此。耳。猶。太。白。之。於。七。律。也。是。曰。盛。唐。大。歷。以。還。風。氣。稍。變。韋。應。物。劉。長。卿。與。盧。綸。吉。中。孚。韓。翃。錢。起。司。空。曙。苗。發。崔。峒。耿。漳。夏。侯。審。李。端。所。謂。大。歷。十。才。子。者。皆。以。研。鍊。字。句。力。求。工。秀。不。復。有。渾。雄。之。氣。重。厚。之。致。然。盛。唐。之。體。韻。猶。存。韋。左。司。追。摹。嘉。州。寄。全。椒。山。中。道。士。詩。直。欲。劇。陶。令。之。壘。錢。劉。並。稱。其。詩。多。摹。仿。王。孟。雖。遜。其。渾。厚。亦。自。饒。清。雅。餘。子。大。率。類。是。蓋。中。唐。之。初。猶。是。盛。唐。之。委。也。

第四十節 迴翔之第三期

自。德。宗。後。迄。五。季。是。也。唐。之。古。文。自。陳。子。昂。以。還。代。有。作。者。至。肅。代。之。際。元。結。獨。孤。及。起。始。翦。除。繁。濫。韓。愈。起。而。唐。之。古。文。始。成。愈。

柳宗元與
韓愈齊名

好爲六經之文。所作原性、原道等篇。實開宋以來理勝之文派。其文則蘇明允所謂如長江大河。渾灝流轉。魚龍蛟龍。萬怪惶惑。而抑遏掩蔽。不使自露。而人望見其淵然之光。蒼然之色。亦自畏避。不敢逼視者也。愈亦喜漢魏之文。所心摹手追。尤在揚雄。其進學解。卽解嘲之委蛻。送窮文。卽逐貧賦之變相。而整峻更過之。世爲之語曰。文起八代之衰。有以也。與韓愈齊名者。爲柳宗元。子厚。初好駢儷。及貶永州。始摹韓愈爲古文。長於記山水。狀人物。論文章。然非愈敵也。愈弟子有皇甫湜、李翱。習之傳韓之正。持正傳韓之奇。持正一傳爲來無擇。再傳爲孫樵。習之文則最爲北宋人之所宗。當韓、柳盛倡古文之際。有令狐楚、李德裕者。仍以擅長箋奏。制令鳴於時。慤士文以意爲骨。以氣爲用。以筆爲馳騁。能脫盡裁對。

隸事之迹。文饒亦精深峻潔。有英偉氣。如其爲人。李商隱少好古文。後從令狐楚學。爲今體章表。尤善於諷奠之詞。時溫庭筠段成式俱用是相誇號。三十六體。然義山文婉約雅飭。於唐人爲別格。其聲切無一字之聲屈。其抽對無一語之偏枯。惟其長於使事。一變遂爲徐夔謝庭浩之錦繡堆。而韓柳古文則唐末學習者甚少云。

第四十一節 詩體之漸衰

德順以還。詩格又變。十才子詩。惟以流便易。李杜之莊嚴。至韓愈更出之以駭怪。李賀又出之以奇詭。他如郊島之僻澀。元白之輕淺。無復有李杜樸茂之色。渾融之氣。然皆能自關門徑一空依傍。如韓孟之聯句。元白之和韻。及新樂府。尤其顯著者。不如晚唐之。

必有師承。然後成家也。故曰：中唐至劉夢得之律詩，步武文房。李益之絕詩，脫胎龍標。柳子厚之根柢，陳子昂參以右丞。襄陽亦勁氣蒼色，卓然可傳。太和以還，詩道益卑。許渾、趙嘏，專工琢句。日休、龜蒙，祇講詠物，而猶纖俗。可厭所作，有回文詩。谿上思雙聲，山中吟疊韻。藥名、離合、縣名、離合、題字、離合，藏古人名等，直如兒戲。至劉駕等起，又有疊字詩之作，纖巧如是。視齊梁風益下矣。其間稍能自拔者，有李商隱、杜牧之二人。皆學杜、義山五七言今體，及長律，深得少陵之神氣骨格而用之。惟古調歌行不及。至其僻奧晦澀，不可曉解者，則效長吉體也。與義山齊名者，有溫庭筠、飛卿、樂府歌行，出義山之右。近體不逮遠甚。蓋李學少陵，溫學太白耳。牧之筆健調響，以拗峭矯當世之柔靡。亦學杜而有得者。五代時如

樂府之變
長短句

樂章之變
爲詞

韋莊之在蜀。羅隱之在吳越。稍具氣骨。昭諫尤氣雄調響。幾欲遠紹浣花。近儷玉溪。然淺露叫呶。在所不免。則時爲之也。

第四十二節 詞學之興起

漢之樂府。至南朝則變爲長短句。如梁武帝江南弄。沈約六憶是也。

江南弄云。衆花雜色滿上林。舒芳耀采垂輕陰。連手躑躅舞春心。舞春心。臨歲腴。中人望。獨踟躕。

六憶云。憶來時。灼灼上階墀。勤勤叙別離。慊慊道相思。相看常不足。相見乃忘饑。

一。唐以詩爲樂。史所載樂歌四言外。五七言律絕皆樂也。至玄。肅而變爲詞。李白之憶秦娥。張志和之漁歌子。則其濫觴也。

憶秦娥云。簫聲咽。秦娥夢斷秦樓月。秦樓月。年年柳色。灞陵傷別。樂游原上清秋節。咸陽古道音塵絕。西風殘照。漢家陵闕。漁歌子云。西塞山前白鷺飛。桃花流水鱖魚肥。青莢笠。綠蓑衣。斜風細雨不須歸。

溯其原因。非必脫胎於古。樂府實破唐世新樂章。而爲之。蓋唐世樂府最通行者。爲五七言絕句。如李白之清平調。劉夢得之竹枝詞。白樂天之柳枝詞。王建之霓裳詞。皆七絕也。皆名曰詞。蓋有調則有詞。其初詩人作詞歌者。按調遷就歌之。故其詞卽詩。其後詩人作詞。遷就其調。以視乎詩字。遂有增減。漁歌子本七絕也。第減去第三句一字耳。李白桂殿秋亦然。

仙女下。董雙成。桂殿夜深吹玉笙。曲終都從仙官去。萬戶千門。

惟月明。

自是作者輩起。韋應物、戴叔倫、王建、韓翃、白居易、劉禹錫皆創調填詞。而溫庭筠尤爲傑出。所作菩薩蠻詞根柢離騷。託之綺怨。精妙絕人。爲詞家正宗。茲舉其一章如下。

小山重叠金明滅。鬢雲欲度香腮雪。懶起畫蛾眉。弄粧梳洗遲。照花前後鏡。花面交相映。新貼繡羅襦。雙雙金鷓鴣。

自是斯風大暢。唐之昭宗、後唐之莊宗皆優爲之。而南唐中主璟、後主煜所作尤悽惋動人。其小令爲千古絕唱。文人以詞鳴者。蜀有韋莊。南唐有馮延巳。端已詞意婉詞直。然菩薩蠻四章深情曲致。不減飛卿。故世以溫韋並稱。正中可與相伯仲。所作蝶戀花四章纏綿忠厚。思深意苦。宛然騷辨之遺。蓋詞至五季門戶大張矣。

第三編 理勝時代

總述 趙宋以還。文風大變。其原因有二。

運會推遷

(一) 運會之推遷 駢儷文體。至齊梁已呈登峯造極之觀。唐

理學崇尚

(二) 理學之崇尚 漢儒章句訓詁之經學。至唐而衰。韓愈遂

有。原。性。原。道。等。之。著。至。宋。代。而。有。周。濂。溪。闡。明。無。極。太。極。之。精。蘊。後。儒。承。之。理。學。大。興。影。響。所。及。文。學。家。亦。遂。斷。雕。爲。樸。以。相。尚。

故。非。特。古。文。大。興。卽。駢。儷。文。記。事。文。詩。詞。之。類。亦。皆。以。理。相。勝。其。甚。者。至。有。理。而。無。文。如。語。錄。小。說。之。類。然。自。宋。迄。明。七。百。餘。年。其。

間文學大勢。不無盛衰之觀。茲因析爲三期述之。

第一期 古文昌盛時期（北宋之世）

第二期 古文中衰時期（南宋金元及明之憲宗）

第三期 古文復盛時期（明孝宗迄明末）

第七章 古文昌盛時期

第四十三節 宋初文學之狀況

五季文敝。南唐稍足稱。文學之著者。有韓熙載、徐鉉。皆擅長制誥。碑表詞理精當。鉉後入宋。同時有鞠常、楊徽之、李若拙、趙鄰幾之四人。其文多疲弱不振。太宗時。楊億與劉筠起而變之。辭尙緻密。天下號爲楊劉。所謂西崑體也。蓋韓、徐沿溯燕許。楊劉則宗法義山。皆能形似。不能神似。末流襲楊劉而復失之。僻澀奇險。文風益

下。

第四十四節 古文之興盛

北宋之文家

歐陽修出風氣爲之一變

當○鞠、楊、李、趙、盛倡駢儷之際。有高錫、梁周翰、柳開、范杲者。獨習。尚。淳○古。然其失。與西崑同。王禹偁、蘇舜欽、穆修繼起。旨近正矣。而力。弗逮。穆修一傳爲尹洙。再傳卽歐陽修。修廬陵人也。初以詞賦擅。聲。後得韓愈文。復從尹洙遊。遂以文章名天下。時進士文章。務爲。鉤章棘句。修知貢舉。痛抑之。風氣爲之一變。南豐曾鞏。眉山蘇洵。及其子軾、轍。臨川王安石。皆聞風興起。由廬陵之汲引。而顯於世。修文紆徐委折。擬之韓愈。如孟堅之於子長。子固嘗自言其文不。知視韓愈爲何如。介甫爲文。不屑用前人一字。然南豐獨得韓之。雄直氣。半山得韓之兀。稟而用之。老泉亦不學韓。而其文多橫空。

盤硬語。頗得韓之神髓。東坡天資過人。文多超妙奇逸。穎濱學力邁於兄。文章平實。於諸家中。爲最下。然自渠以後。震川未出以前。亦無有可與抗行者。此明朱右所以合韓、柳、歐、曾、王、三蘇爲古文八大家也。八家之文。程度皆高。子瞻最爲近人。其傳有張耒、秦觀。實後來文章之冠冕云。

第四十五節 駢儷文之體變

古文旣興。駢儷文亦深受其影響。與廬陵同時有宋氏郊、祁兄弟。尙沿襲燕許公序館閣之作。沈博豔麗。子京尙選學。其文更多奇字。而歐陽修於制誥表奏之中。獨以排奐行之。風氣因之大變。茲舉示如下。

歐陽修亳州乞致仕第二表云。臣聞神功不宰。而萬物得以曲

成者。惟各從其欲。天鑒孔昭。而一言可以感動者。在能致其誠。敢傾虔至之心。再瀆高明之聽。（下略）
迨荆公既作。更喜運經史語入文。謂之典雅。如賀致政趙少保啓云。

（上略）昭懋賢業。寅亮聖時。伯夷之直。惟清。仲山之明。且哲。所居之名。赫赫。豈獨後思。爾瞻之節。巖巖。方當上補。東坡制表。號爲雄深秀偉。其體終未能脫歐王二家之外。於是宋駢體。格始成。六朝三唐之風。邈乎不可復覩矣。

第四十六節 記事文之體變

先是石晉時。劉昫等奉詔修唐書。宋仁宗以其文繁事略也。詔宋祁。歐陽修等更爲之事。增於前。文省於舊。祁長於駢偶。而於唐書。

歐王之駢體

舊唐書新唐書

舊五代史
新五代史

資治通鑑

宋初詩有
三派

獨。務。爲。艱。澀。駢。儷。文。一。字。不。登。序。論。亦。皆。以。散。體。行。之。史。裁。至。是。始。復。馬。班。之。舊。宋。初。薛。居。正。奉。詔。修。五。代。史。歐。陽。修。更。搜。采。異。聞。嚴。定。史。例。成。新。五。代。史。一。書。文。筆。簡。淨。直。追。史。記。復。本。春。秋。書。法。寓。褒。貶。於。筆。削。同。時。司。馬。光。奉。詔。作。編。年。史。上。起。周。末。下。迄。五。季。體。大。思。精。爲。秦。漢。以。來。未。有。之。偉。著。書。成。仁。宗。名。之。曰。資。治。通。鑑。凡。此。皆。受。影。響。於。尙。理。之。風。氣。者。

第四十七節 詩格之變遷

宋初詩。脫去五季餘習。依摹唐人。大概有三派。王禹偁初學少陵。後學長慶。是曰白體。寇準、林逋、魏野、潘閔輩。則學晚唐。是曰晚唐體。楊億、劉筠等十七人。宗李義山。是曰西崑體。而崑體一派之勢力。爲最大。其詩尙精麗。不免於隱僻。於是蘇舜欽以雄快易其浮。

蘇黃並稱

蘇門四君子

詩之別派

靡。梅堯臣以古淡易其穠艷。有宋一代豪健淺露之詩格於是開。繼起者。廬陵學韓而不盡如韓。惟七古相似。半山學杜而不盡如杜。僅得瘦勁。迨蘇軾黃庭堅作。而宋詩之體格遂成。東坡詩不主一家。然胸有錘鑪。筆具造化。氣格雖不及杜。意境神理正復相仿。山谷學杜。亦能掃除陳腐。標領新異。足爲蘇門四君子之冠。四君子者。庭堅及張耒晁補之秦觀也。自是以還言詩者。大率宗蘇黃。云。其時詩家有別派起。道學家之詩是也。自周程諸子提倡性理。遂以理爲詩。邵雍之擊壤集尤著。今錄其一律如下。以誌異焉。

觀三皇云。許大乾坤自我宣。乾坤之外更何言。初分大道非常道。纔有先天未後天。作法極微難著績。收功最久不知年。若教世上論勳業。料得更無人在前。

第四十八節 詞之昌盛

宋之於詞。猶唐之於詩。帝王如高宗、徽宗、大臣如寇準、韓琦、范仲淹、司馬光。推而至於道學武夫、婦人女子、方外之士。多精曉音律。能製腔填詞。其著者。天聖、明道。則有晏殊、歐陽修。及殊之子幾道。皆工豔詞。小山尤善於言情。大抵囿於晚唐五季之風氣。又未能如溫、韋、正中輩之含蓄不盡。蓋淺露自是宋代文學之通病也。同時有張先、柳永者。亦工豔體。而聲情發越。東坡起。更一掃綺羅香澤。而空之。豪情勝概。天機洋溢。直欲上追青蓮。坡後詞家著稱者。有秦七、黃九。而能嗣聲東坡者。惟晁補之。無咎詞。伉爽磊落。而力量稍遜。山谷則粗鄙矣。少游詞。與蘇不同派。而清遠婉約。直堪上繼溫、韋。下開美成。同時有賀鑄者。亦以幽豔見稱。然能體兼衆美。

稱霸一時。不能不數周邦彥。美成詞沈鬱頓挫。足使蘇秦一齊俯首。實北宋詞家之結局。南宋詞家之先導也。

第八章 古文中衰時代

第四十九節 古文之式微

南宋及金元明之古文家
朱熹爲南宋大家
元之四傑

宋南渡後。文氣散漫萎弱不振。陳亮之粗豪。葉適之平實。樓鑰。周必大之空廓。至於呂祖謙之博議。陳傅良之八面鋒。猥俗尤甚。惟朱熹師法韓曾。一出自自然。可謂南宋一大家。然末流效之。冗沓萎蕪。其失更甚。金之文。蔡珪開其端。趙秉文。昌其緒。元好問殿其終。大率宗法東坡。遺山尤冠絕一代。然其才甚高。氣象甚雄。不免有失支墮節處。元文亦然。自戴表元以清深和雅者。振起斯文。姚燧繼之。更宗法昌黎。袁桷。馬祖常繼之。亦以博碩精贍見稱。虞集。楊

臺閣體

南宋及明
之駢文家

載范曄、揭傒斯之四傑，又繼之。元文於是爲盛，而集尤首出其陶鑄羣材，一如廬陵之在北宋。然核其所得，亦遺山、牧菴之流耳。爲之後勁者，有金華之黃縉、吳萊、柳貫。明初文家，宋濂稱首。濂學於黃、吳、柳三先生，視道園較淨，而品格不甚相懸。劉基、王禕，則又亞於潛溪者。方孝孺學於潛溪，而其文近大蘇。成仁而後，楊士奇、楊榮、楊溥，以博大昌明爲一世倡，號臺閣體。後進效之，漸流爲膚廓冗沓。宏正間，李東陽欲捄正之，然未能遠過三楊也。蓋自南宋以來，作家多而大家少，至是古文益大壞矣。

第五十節 駢文之就衰

南宋古文衰，駢文作者殊衆。孫觀、汪藻、綦崇禮，皆以是雄於時。浮溪爲之冠。其隆祐太后手書，建炎德音諸篇，感動人心，幾於陸贄。

興元之詔實爲宋駢之集大成者繼之者有迺遵邁之三洪及周必大楊萬里魏了翁真德秀等李劉晚出一以流麗穩貼爲宗斯道始衰元世姚燧虞集袁桷揭傒斯之徒不過揚南宋餘波明初劉基宋濂尙有連珠數十首之作然祇句整字對之散文而已此後制誥亦易以散文斯體遂絕於世

第五十一節 記事文之就衰

南宋史學大盛并多奇剏之作胡宏作皇王大紀羅泌作路史始破除尊經之成例鄭樵作通志又破除斷代爲史之成例而二十略之作通括歷代政治學術而著之篇尤爲發前人所未發至於朱熹因通鑑作綱目寓以褒貶袁樞因通鑑作紀事本末便於記覽馬貴與因唐杜佑通典作通攷廣厥體例皆特殊之著作元以

南宋多史學大家通志

綱目

通攷

宋遼金元史

來。史。學。衰。元。人。所。修。各。史。宋。史。蕪。雜。遼。金。疎。漏。明。初。修。元。史。尤。爲。粗。率。云。

第五十二節 時文之興起

吾華歷代取士。周以前由學校。漢、魏、兩晉、南北朝以薦舉。隋煬帝始建進士科。試以詩賦及帖經。至宋熙寧中。王安石始廢詩賦。用經義。元祐後復罷。迨元仁宗延祐中。定科舉考試法。於是王充耘始造經義作法。名書義矜式。其文有破題、接題、小講、官題、原題、大講、後講、原經、結尾等法。明因之。八比之文由是而出。於是士子皆役心於時藝。沿及清季。濫惡相尋。文風之所以壞也。

八比之始

第五十三節 小說文之體變

以。白。話。易。文。言。宋。以。來。始。有。之。不。但。小。說。也。茲。條。述。如。下。

白話的論
理文

白話的記
事文

白話的文
告

白話的詩
詞

白話的小
說

(一)

白話的論理文 宋初周敦頤、張載、邵雍等談理俱以文
言。自程頤、程顥昆弟起。始以白話說理。名曰語錄。嗣後言性
理者多宗之。

(二)

白話的記事文 元人崛起漠北。不諳文理。故史官載筆
或以兔兒虎兒紀年。今所傳元祕史是也。

(三)

白話的文告 元世禁蒙人習漢字。漢人習蒙字。故朝廷
所下文告言多俚鄙。如今所傳元典章中所錄諸詔牘是也。

(四)

白話的詩詞 樂府用諺語。詩餘亦多俳體。然未有如宋
以來之漫無裁制者。詩用白話如擊壤集。詞至山谷始有竟
體用白話者。南宋蔣竹山之沁園春。石次仲之惜多嬌。繼之
文章風氣如是。小說之變用白話勢所必然矣。按吾國小說託始

章回體之
始

南宋金元
明之詩家

漢武時方士虞初初爲周說九百四十三篇其書不傳沿及唐宋
著作日衆然皆文言也自宋仁宗時以天下無事羣臣每日必進
一奇異之事以爲娛頭回之後繼以話說於是小說之章回體起
矣然宋人著述仍用舊體至元世施耐菴作水滸傳羅貫中作三
國演義純用白話斯風始大暢云

第五十四節 詩之就衰

靖康之變區夏中分然南北詩人大概宗尙蘇黃而西江一派之
傳爲尤盛特南朝體格愈趨愈卑北朝風骨愈變愈上南宋詩以
尤袤楊萬里范成大陸游爲最著而放翁尤傑出四家雖不列呂
本中江西詩社宗派圖實得統於山谷金代詩人以劉迎李汾党
懷英趙秉文爲最著而閒閒尤傑出觀其詩多以槎枒生硬爲工

眞山谷嫡派也。南宋後有永嘉之徐照、徐璣、翁卷、趙師秀者起。宗法賈島以野逸清瘦者。矯西江末派之粗獷。號四靈派。亦曰江湖派。金則有元遺山者起。承閒閒之後。更加之以渾雄豪情勝概。壯色沉聲。直欲軼蘇黃。攀李杜焉。元初方回宗法江西。郝經受業遺山。戴表元、趙孟頫獨以清新麗密者欲洗去宋金粗獷之習。四傑承之道園尤近唐人。同時有仇遠、白珽二家。詩尙穠豔。張翥、薩都刺等繼起。其流益暢。楊維禎更學長吉以奇麗著。元詩於是又壞。迨明初劉基以蒼莽古直著。高啓以沉鬱幽遠稱。始一掃纖靡之習而空之。貝瓊、袁凱、張以寧亞於劉高者也。楊基、張羽、徐賁與啓齊名者也。風雅大興。足以上繼北宋。永樂而後一變爲臺閣體。詩道復衰矣。

第五十五節 詞之就衰

詞至南宋始極其盛然大抵就東坡少遊美成諸家而光大之辛棄疾學東坡者也悲壯激烈又復溫柔敦厚學之者有劉過蔣捷然不免劍拔弩張襲貌遺神矣張安國劉克莊則又其繼起者也學周秦者以姜夔爲稱最王沂孫足與之抗姜格高王味厚各有所長史達祖其次也吳文英張炎又其次也陳允平次於吳張者也周密高觀國又次於允平者也此派最爲正宗金元以來斯道漸衰金初惟吳激蔡松年優爲之而彥高感激豪宕堪與稼軒爭驅繼之者惟遺山遺山詞出入蘇辛姜史說者謂爲集兩宋之大成然皆未能至也元世張翥可稱大宗虞集薩都刺次之倪瓚邵亨貞獨矯然自異明世青田青邱已失古意繼是等諸自鄒矣

曲之所由作

北曲

南曲

崑曲

第五十六節 曲之興盛

自宋人爲詞間用俚語金元以塞外蠻族入據中原不諳文理詞人更曲意遷就雅俗雜陳而曲作矣金末董解元作西廂記爲北曲開山元世擅長者以王實甫關漢卿馬致遠喬夢符鄭德輝白仁甫諸家最有名王關足成西廂記馬東籬有黃梁夢等曲喬夢符有金錢記鄭德輝有倩女離魂曲白仁甫有梧桐雨以咏馬嵬事皆北曲也元末以北曲之不便於南永嘉人高明作琵琶記遂爲南曲開山施君美作幽閨記以繼之自是南北曲兩者並盛其歌也皆用絃索及明嘉隆間崑山有魏良輔者始備衆樂器而劇場大成南曲又一變爲崑曲矣

第九章 古文復盛時代

第五十七節 古文之復振

當李東陽回復臺閣體之際。王鏊、羅玘亦以唐宋文爲世倡。鏊學蘇、玘學韓。皆未至。而茶陵文派又有吳寬、吳儼等爲之羽翼。王羅不能勝也。於是北地李夢陽倡言復古。以與茶陵抗。信陽何景明和之。規摹秦漢。使天下無讀唐以後書。爲文務鉤章棘句。至不可句讀。與康海、王九思、徐禎卿、王廷相邊貢號宏治七子。風靡一世。同時王守仁、王慎中、唐順之獨矯然自異。陽明文不主一家。及其成就。可以繼蹤潛溪。遼巖文得力於曾鞏。荆川瓣香東坡。文名與之埒。天下號曰王、唐。然李攀龍、王世貞又嘯何、李之焰而排之。與徐中行、宗臣、梁有譽、謝榛、吳國倫等號嘉靖七子。歷下早卒。太倉獨主持壇坫者有年。崑山歸有光起以唐宋之文與之抗。至詆世

宏治七子

王唐並稱

嘉靖七子

歸震川可
繼唐宋諸
大家

貞爲庸妄巨子。世貞久亦心折焉。蓋明代古文惟震川可繼唐宋諸大家也。同時歸安茅坤又取荆川所選唐宋八家文盛行海內。天啓中艾南英倡豫章社以衍歸有光之緒。張溥倡復社。夏允彝陳子龍倡幾社皆以暢王世貞之流。當歸王相觝排之際。又有公安三袁者。宗道宏道中道昆季是也。亦起而宗法眉山力詆王李。以輕巧易其板重。以本色變其粉飾。然矜持小慧不復學問。尙不如七子之質古。猶有復古之功也。

第五十八節 駢儷文之復興

自七子倡復古。駢儷之文斷絕已百數十年者。至是亦漸行振起。何仲默騷賦啓發頗擬六朝。盧朶騷賦詞旨沈鬱。且爲世貞所稱。許畢自嚴四六說者謂可上擬徐庾而徐禎卿謝榛輩亦頗注意。

四六法海

漢魏六朝
百三名家
集

二李振興
詩道

於是風氣既開。王志堅復選集兩漢六朝唐宋駢體。成四六法海。一書風行海內。張溥張采又各選漢魏六朝百三名家集。以爲提倡。古人之文。賴以不墜。迨崇禎朝。華亭陳子龍起。更抗志追摹。辭藻既富。氣體尤高。直欲超越宋元。繼蹤燕許。遂以開前清駢散並盛之端倪云。

第五十九節 詩之復盛

李夢陽之標赤幟也。曰文必秦漢。詩必盛唐。其究也。文則質古。詩居然能逼肖唐音。先是李東陽嫉臺閣體之頽靡。力圖振作。以少陵爲歸。李何摹杜。雖未免過於求肖。然北地之雄渾悲壯。鼓盪飛揚。信陽之秀朗俊逸。迴翔馳驟。實爲宋元以來詩家所不及。徐昌穀邊庭實王子衡則其次焉者也。同時有楊慎之高華沈實。薛蕙

陳臥子提
倡七子派

高叔嗣、華察、四皇甫（冲、湊、汴、濂）之冲澹高古，亦皆能於七子外，拔戟自成一隊。王李繼起，歷下以矜貴稱。太倉以雄闊著，可與抗行者，惟謝茂秦。然後進摹倣，不無沿襲雷同。於是公安三袁起而變之，以清真倡，又不免流為詼諧。竟陵鍾惺、譚元春又起而變之以幽峭倡，又不免流為僻澀。詩道復衰，然陳臥子仍以七子派為天下率。墾闢榛蕪，上窺正始，粹然一歸於正。此則明詩之神龍掉尾也。

第六十節 詞之復興

明詞作家，多少有合者。宏正之際，有周用、夏言、導源蘇辛，間傷生硬。楊用修、王元美又好自製腔，音律未諧。然詞之一道，從此研求者益衆。張綆著詩餘圖譜，辨詞體之舛錯而為之規矩。於是王好

陳子龍爲
明代詞人
之冠

士林風尚

問卓發之徒。先後繼起。其詞皆有宋人風味。而馬洪尤以工長短句名東南。雖傷浮艷。亦居然兩宋格調也。迨明之末季。陳子龍崛起華亭。神韻天然。含意不盡。綿邈徘徊。彷彿五季。宋初遂爲明代詞人冠云。

第四編 詞理兩派並勝時代

總述 前清一代實爲吾華四千年來文學之一結束。凡前古所有之文學。至前清無不極其盛。其原因如下。

(一) 興盛之理由

(甲) 士林之風尚 自前後七子振興古學。王唐歸艾繼之。

提倡唐宋文學。復社幾社亦繼之。提倡漢魏文學。明社旣屋。前清初年之文學家。大率多朱明遺老。一朝風尚遂由

朝廷倡率

國勢影響

學術關係

是而開

(乙)

朝廷之倡率 滿人入關東南人士多起兵反抗或隱

匿山林以示不服於是康熙兩朝或崇宋學或崇漢學又

兩開博學鴻詞科以網羅遺逸鼓舞人材而文學遂由是

大興

(二)

兩派並盛之理由

(甲)

國勢之影響 凡歷代之外族所謂匈奴突厥鮮卑蒙

古者至前清則東自高麗西迄葱嶺北自西伯利亞南極

交趾皆融洽於一鑪影響所及文學亦不復分畛域

(乙)

學術之關係 自漢迄唐尙經學故其文尙詞自宋迄

明尙理學故其文尙理前清既沿前代風氣而重理學亦

沿○明○末○黃○宗○羲○顧○炎○武○諸○先○生○之○學○術○風○尚○而○重○經○學○故
尙○詞○尙○理○兩○派○之○文○學○並○盛○

今綜其二百六十餘年文學之大勢觀之。可分爲二大時期。

第一期 馳騫時期（自清初迄乾隆朝）

第二期 改進時期（自乾隆迄清末）

第十章 馳騫時期

第六十一節 古文家之馳騫

清初古文家。以侯○方○域○魏○禧○汪○琬○三○家○爲○最○著○雪○苑○初○好○六○朝○文○
既而致意於韓歐之學。惜享年不永。厥體未純。堯峯醇矣。根柢六
經。出入廬陵震川。而才氣不逮。醇而未肆。冰叔宗法老蘇。凌厲雄
傑。與雪苑皆有明遺逸也。同時布衣以文鳴者。又有邵青門長蘅。

方劉振興
古文

枕肱經史。力追歸唐。與雪苑冰叔。可稱鼎足。其他遺民以文名者。有顧炎武、黃宗羲、陳宏緒、彭士望、王猷定。士大夫以文名者。有李光地、潘耒、孫枝蔚、朱彝尊、嚴虞惇、姜宸英、亭林、竹垞。次耕皆蔚然。作者興菴。體近歐。曾西溟。雅健。有北宋人遺意。亦一時之彥也。方苞、劉大櫆繼起。而古文之道乃大明。望溪嘗與西溟等論行身祈嚮。曰『學行繼程朱之後。文章介韓歐之間。』故其論文嚴於義法。今約舉其大旨如下。

(一) 非闡道翼教。有關人倫風化。不苟作。

(二) 凡所涉筆。皆有六籍之精華。

(三) 不可入語錄中語。魏晉六朝藻麗俳語。漢賦中板重字法。詩

歌中雋語。南北史佻巧語。

入清以來。文體之純正。莫過於望溪。海峯之文。集莊騷。左史韓柳。歐蘇之長。此正望溪所吐棄不屑者。同時有閩人朱仕琇。其文初類海峯。歸宿與望溪同。亦一時大家也。

第六十二節 駢文家之馳騫

清初史學家如顧炎武。經學家如毛奇齡。皆能爲駢儷文。吳兆騫以復社主盟。更工爲斯體。然不如陳維崧。迦陵文導源庾信。才力富健。與之齊名者。吳綺園。次焉者。章藻功。豈績也。園次追摹義山。以秀逸勝。惟務爲流轉。豈績學徐僕射。實近宋格。故迦陵獨步。當時然氣粗。詞繁。厥體未純也。迦陵後工駢儷者。以胡天游。稚威。爲稱。最稚威文雄麗。有唐燕許之遺。袁枚簡齋與同時。而所造不同。惟其才氣足以聳動一時。故上自公卿。下至市井負販。皆重之。

而俗調僞體汰除未淨亦不免後人訾議蓋乾隆以前之駢文家氣體未清其通病也

第六十三節 史學家之馳騁

清初史學家
明史

通鑑後編

通鑑本末
紀要

前清史學家多奇創之作正史則有康熙十七年始事乾隆四年歲事閱六十餘年所修成之明史體例精密詞簡事賅編年則有通鑑綱目三編通鑑輯覽諸書皆詔諸臣編輯而徐乾學又與萬斯同閻若璩胡渭輩修元明人所修而未善之續通鑑成通鑑後編皆精博過於前箸此沿前朝體例者也至紀事本末明世有陳邦瞻所纂之宋史紀事本末元史記事本末清初谷應泰又成明史紀事本末一書蔡毓榮更另創新例作通鑑本末紀要八十一卷其書於記事本末之中備列各帝之紀合編年紀事本末兩體

釋史尙史

明儒學案
宋元學案
理學宗傳
儒林宗派

清初詩家
江左三大
家

一爐而冶。此。前。古。所。無。也。古。史。有。馬。驢。之。釋。史。用。紀。事。本。末。體。李。錯。之。尙。史。用。紀。傳。體。書。雖。新。著。體。猶。仍。舊。而。崔。述。之。考。信。錄。則。欲。盡。翻。前。案。訂。正。古。事。亦。特。剏。之。作。也。尤。有。奇。闕。者。昔。宋。朱。熹。嘗。著。伊。洛。淵。源。錄。明。馮。從。吾。又。著。元。儒。攷。略。實。爲。學。史。之。濫。觴。清。初。黃。宗。羲。更。有。明。儒。學。案。宋。元。學。案。之。著。精。博。軼。朱。馮。兩。家。而。上。之。其。時。孫。奇。逢。著。理。學。宗。傳。萬。斯。同。著。儒。林。宗。派。皆。上。溯。孔。子。下。逮。明。末。述。其。授。受。源。流。亦。稱。精。卓。云。

第六十四節 詩家之馳騫

清。初。顧。炎。武。黃。宗。羲。皆。能。詩。亭。林。沈。雄。梨。州。婉。麗。無。媿。作。家。其。臣。清。者。有。錢。謙。益。吳。偉。業。龔。鼎。孳。之。江。左。三。大。家。而。曹。溶。詩。名。亦。與。芝。麓。相。驂。驪。諸。家。大。抵。步。武。何。李。牧。齋。獨。戛。然。自。異。然。虞。山。婁。東。

海內八大家

新長城兩大家

當世並稱皆一時之雄也。繼起者有宋琬、施閏章、王士禛、王士禛、程可則、汪琬、沈荃、曹爾堪之海內八大家。而施宋士禛得名尤盛。當漁洋未起以前，荔裳以雄健磊落勝愚山，以溫柔敦厚勝輦下。詩人必推南施北宋。漁洋得詩法於其兄士祿、宗尙王孟，以神韻爲主。同時田雯起於山東，宋犖開府於江左，彭孫遹、朱彝尊奮興於浙中，皆欲與分一席。然山蘊材力極高，欲兼擅唐宋，厥體未純。漫堂體近玉局，羨門步武文房，均非漁洋敵手。惟竹垞初學王孟，其後風骨愈壯，詞華愈盛，明麗博雅，足與之抗。故新城、長水兩大宗屹然分立。南北詩壇者五十年而得大名之盛，無如阮亭及門如吳雯、洪昇、史申義、湯右曾輩，皆一代詩豪。趙執信獨著談龍錄，與之齟齬，然不能掩其名也。是時之著名者又有杜濬、申涵光、孫枝

蔚之學杜。陳維崧之學韓蘇。邵長蘅之學杜蘇。杜詔之學溫李。查慎行之學蘇陸。諸錦之學蘇黃。厲鶚之學陶謝。王孟韋柳。歧途紛出。初白之魄力風韻。卻足爲阮亭繼。人固不必惟朱王之是學也。

第六十五節 詞家之馳騁

自陳黃門提倡風雅。作者輩起。清初龔芝麓、梁棠邨俱以能詞鳴。而梅邨尤傑出。其詞學屯田、淮海。高者直逼東坡。繼之者有宋徵與、錢芳標、顧貞觀、王士禎、性德、彭孫遹、沈豐垣之前七家。大抵皆宗仰北宋。轅文詞不減馮韋。葆酚原出義山。神味居然淮海。梁汾清空一氣。出入北宋諸家。漁洋小令。逼近南唐二主。容若亦然。其品格乃在晏叔原、賀方回之間。羨門多唐調。適聲柔麗。亦探源淮海。方回同時如李雯之哀豔。逼近溫韋。沈謙、陳維崧之步武蘇辛。

朱陳二家

亦莫不以五代北宋爲歸。世嘗合前七家爲十家。嗚呼盛矣。與其年齊名者有朱彝尊。當時朱陳村詞流傳徧宇內。然錫鬯詞一宗。姜張其弟子李良年、李符輔佐之。而其傳彌廣。康乾之際言詞者。幾莫不爲朱陳二家所牢籠。惟朱才多不免於碎。陳氣盛不免於率。故其末派有佻巧奮末之病。厲鶚過春山近朱者也。鄭燮、蔣士銓近陳者也。而太倉諸王獨軼出陳朱兩家之外。以晏歐爲宗。時翔淒惋動人。漢舒意味深厚。亦自名家。史承謙、任曾貽且不屑規。兩宋獨融會諸家而出之云。

第六十六節 曲之復盛

明自宏治而後。詩文學俱振起。顧曲者亦日出。北曲擅長者有李空同、王浚川等數家。南曲擅長者有祝允明、唐寅、鄭若庸等數家。

清初曲家

洪蔣並稱

而王敬夫所作杜陵春傳奇尤秀麗雄爽聲價不在關漢卿馬東籬下嗣是徐渭有彌衡玉禪師木蘭黃崇嘏之四聲猿以彌衡劇爲之最湯顯祖有還魂記爛柯記邯鄲夢紫釵記之臨川四夢以還魂記爲之最李日華又改北曲西廂爲南曲而阮大鍼且有燕子箋之作皆名噪一時清初沿其風作者輩起歸莊有萬古愁傳奇李漁有憐香伴風箏誤等十種曲孔尚任又有桃花扇小忽雷傳奇等之著而桃花扇一劇寫南渡諸人尤能面目畢肖後有顧天石者又成南桃花扇一劇令生（侯方域）旦（李香君）當場團圓康熙中又有洪昇者作長生殿天涯淚四婢娟諸劇長生殿一劇尤膾炙人口乾隆中蔣士銓作香祖樓等九種曲書味盎然不似笠翁輩之慣作優伶俳語故世與昉思並稱洪蔣蓋同爲

曲家之鉅手云。

第十一章 改進時代

第六十七節 古文家之改進

乾嘉後之
古文家
姚姬傳之
崛起

桐城派

陽湖派

當乾隆中葉時有古文大家姚姬傳者起於是清之文派斯成姬傳名鼎桐城人少受經於其世父範又受古文法於同里劉海峯其爲文高簡深古辭邁於望溪而理深於海峯世稱之曰桐城派當海峯之世有錢魯思者學於海峯屢誦其師說於友人惲敬張惠言惲張二子遂棄其考據駢儷之學而爲古文世又號曰陽湖派嗣之者則有秦瀛陸繼輅而桐城一派之傳獨廣姬傳之弟子以陳用光梅曾亮管同劉開方東樹吳德旋姚椿毛嶽生姚瑩等爲最著異之伯言植之碩甫尤爲其高足伯言之文更堪嗣響惜

抱。故。異。之。僅。傳。其。學。於。其。子。嗣。復。植。之。僅。傳。同。里。戴。鈞。衡。碩。甫。僅。
傳。湘。人。鄧。顯。鶴。周。樹。槐。伯。言。之。傳。獨。廣。於。諸。子。浙。人。有。邵。懿。辰。蘇。
人。有。魯。一。同。贛。人。有。吳。嘉。賓。湘。人。有。孫。鼎。臣。粵。人。有。朱。琦。彭。昱。堯。
龍。啓。瑞。王。錫。振。蓋。自。姚。氏。以。來。天。下。之。文。章。必。曰。桐。城。末。流。效。之。
不。免。以。空。疏。相。尙。道。咸。以。還。曾。國。藩。吳。敏。樹。又。起。而。振。之。南。屏。不。
屑。建。一。先。生。之。言。以。自。隘。卒。其。所。得。與。姚。氏。無。乎。不。合。滌。笙。自。言。
粗。解。文。章。由。姚。先。生。啓。之。蓋。亦。私。淑。惜。抱。者。然。尋。其。聲。貌。略。不。相。
襲。惜。抱。文。詞。旨。淵。雅。而。少。雄。直。之。氣。驅。邁。之。勢。滌。笙。則。欲。以。戴。段。
錢。王。之。訓。詁。發。爲。班。張。左。郭。之。文。章。所。詣。又。進。矣。曾。之。弟。子。以。張。
廉。卿。黎。庶。昌。吳。汝。綸。爲。最。著。黎。氏。之。言。曰。本。朝。文。章。其。體。實。正。自。
望。溪。方。氏。至。姚。先。生。而。辭。始。雅。潔。至。曾。文。正。公。始。變。化。以。臻。於。大。

亦非阿好之言也。

第六十八節 駢文家之改進

乾嘉後之駢文家

駢文八大家

乾嘉之際。昭文邵齊燾作駢文。欲於綺藻豐縟之中。存簡質清剛之制。一時風氣爲之大變。如王太岳之簡潔蒼老。劉星煒之清轉華妙。吳錫麒之委婉澂潔。並遵正軌。曲阜孔廣森、陽湖孫星衍、洪亮吉、南城曾燠輩起。斯旨益暢。覃軒論文以達意明事爲主。賓谷論文云古文喪真。反遜駢體。駢體脫俗。卽是古文。宗旨與覃軒合。淵如文風骨適上。思至理合。稚存文合者不失正軌。間傷繁碎。才多故也。吳鼐嘗合袁邵、劉吳、孔孫、洪曾爲駢文八大家。八家外陽湖有劉嗣綰、臨川有樂鈞、鎮洋有彭兆蓀、桐城有劉開、上元有梅曾亮、陽湖有董基誠、祐誠、大興有方履錢、而泗州之傅桐、長沙之

十大家

乾嘉後之
史學家新
舊唐書合
鈔

周壽昌。秀水之趙銘。湘潭之王闓運。會稽之李慈銘。則又其後起者也。長沙王先謙。因又合孟塗伯言。二董彥聞。味琴。荇農。桐孫。王秋。悉伯。爲十大家。以繼前八家。十家之文。大率皆氣清體潔。宗尙不出兩漢六朝。初唐而悉伯尤詞旨淵雅。體格純淨。直欲近掩洪孫。遠踰徐庾。悉伯後。繆荃孫之朗潤。皮錫瑞之疏鬯。王先謙之簡潔。周錫恩之雅逸。亦不愧爲一朝之後勁。蓋清世駢文。自乾嘉以還。體格始正。作者亦始極其盛云。

第六十九節 史學家之改進

乾隆以還。考據之學大興。史學家遂多改正舊史之作。沈炳震著新舊唐書合鈔。折衷二史之異同而審定之。於宰相世系表。則正其譌。於方鎮表。則補列其拜罷承襲諸節目。至於魏源之元史新

續資治通鑑

十七史商榷
廿二史考異

乾嘉後之詩家

編彭元瑞之注五代史。周濟之晉略。皆精當。過於原著。而晉略一書。序論皆用駢儷。則一時異製也。編年書。改正舊史。而善者有畢沅與王鳴盛、錢大昕、邵晉涵等所修之續資治通鑑。因徐氏本。始宋終元。成二百二十卷。至今稱爲定本。而陳鶴又撰通鑑明紀。亦以謹嚴稱焉。至於考訂舊史。則有王鳴盛之十七史商榷、錢大昕之廿二史考異、輯補前史。則有厲鶚之遼史拾遺、洪亮吉之補各史地志、洪鈞之元史譯文證補。如此之類。尤不勝枚舉。大約以考據所得。改正舊史。使適於完善云。

第七十節 詩家之改進

乾嘉之際。海內詩人相望。其標宗旨。樹壇坫。爭雄於一時者。有袁翁、沈三家。隨園詩主性靈。新奇軼蕩。不守前人矩矱。得名最盛。其

吳中七子

品最下。與之齊名者。有蔣士銓。趙翼。二家詩真率。袁雖卑視之。論者以爲氣體尙在袁上也。覃谿病新城一派之流爲空調。特拈肌理二字。欲以實救虛。然言言徵實。亦非詩家正軌。故其時大宗不能不推沈歸愚。先是康熙時。吳縣有葉橫山。變者病詩家之喜摹范陸。作原詩內外篇。以杜爲歸。以情境理爲宗旨。歸愚少從受詩法。故其詩古體宗漢魏。近體宗盛唐。尤所服膺者。老杜。選古詩源及唐詩別裁集。明詩別裁集。國朝詩別裁集等。以標示宗旨。吳下詩人。靡然從之。受業者。初以盛錦。周準。陳櫬。顧貽祿爲最著。其後則有王鳴盛。王昶。錢大昕。曹仁虎。黃文蓮。趙文哲。吳泰來。之吳中七子。文哲泰來。後復與法式善同宗漁洋。而歸愚門下。又有褚廷璋。張熙純。畢沅等繼起。再傳弟子。則有武進之黃景仁。私淑弟子。

三君

嶺南四家

乾嘉後之詞家

則有仁和朱彭。乾嘉以來之詩家。師傅之廣。未有如歸愚者。歸愚名德潛。字確士。長洲人。歸愚其自號也。後歸愚而以詩鳴者。大興有舒位。秀水有王曇。昭文有孫源。湘世稱三君。四川有張問。陶常州黃景仁。外有洪亮吉。楊芳燦。楊揆。江西有曾燠。樂鈞。浙中有王又曾。吳錫麒。許宗彥。郭麐。嶺南則有馮敏昌。胡亦常。張錦芳之三子。後張錦芳又與黃丹書。黎簡。呂堅爲嶺南四家。大率皆唐人之是學。未嘗及歸愚門。而實受其影響者。就中舒孫黎三家尤特出。舒孫皆自昌黎山谷入。杜而黎則學杜。而能得其神髓者也。

第七十一節 詞家之改進

詞至乾嘉之際。作者多佳者少。蔣士銓學迦陵而益形粗劣。趙文哲學竹垞而更傷穠豔。吳錫麒步武樊榭。又不免於脆弱。至朱澤

生林蕃鍾、沈起鳳之流。更不堪稱爲作者。及陽湖張氏、皋文、宛鄰、昆弟、作斯道、復振且視朱陳二派。又加進焉。皋文名惡言病朱陳二末派之纖佻粗厲。乃闡明意內言外之旨。與其弟琦選唐宋詞四十四家百六十六首爲詞選一書。於是常州詞派起。二張詞旣沈鬱疏快。宛轉纏綿。其友人惲敬、錢季重、丁履恆、陸繼輅、左輔、李兆洛、黃景仁、鄭善長輩。亦皆不媿一時作家。而左仲甫之逸情雲上。言外有無窮之味。惲子居之情深意遠。直欲闖溫韋之室。李申耆之冷豔幽香。足爲飛卿繼武。鄭掄元之思深筆苦。允爲中仙嗣聲。又其卓卓者金應城、金式玉。則學於皋文而有得者也。董士錫則以皋文之甥而傳其學者也。荆溪周濟友於士錫。其論詞宗旨。有一詞非寄託不入。專寄託不出。一語實足以推明張氏之宗旨。

後七家

而廣大之。其詞亦精密純正。堪與皋文把臂入林。自止菴後。常州詞派之根基益固。潘德輿雖著論非之。莫能相掩也。其後效之者。有龔鞏祚、楊傳第、莊棫、譚廷獻、陳廷焯諸家。其不入常州派而聲息相通者。有戈載、項鴻祚、許宗衡、蔣春霖、蔣敦復、姚燮、王錫振諸人。順卿謹於持律。蓮生哀豔。與納蘭容若相等。海秋亦然。鹿潭詞尤婉約深至。劍人步武清真。梅伯導源淮海。少鶴亦爲近詞一大宗。譚復堂嘗合皋文、保緒、定庵、蓮生、海秋、鹿潭、劍人爲後七家。又合翰風、梅伯少鶴爲十家云。

第七十二節 結論

自屈宋開詞賦之端。其傳且千百年。自韓柳開古文之端。其傳亦千百年。論古文至姚曾論駢文至孔曾論詩至沈王論詞至張周。

取徑甚正。其興當未有艾。乃自歐化東來。學者兼驚旁營。心以分而不壹。業以雜而不精。固有之文學。致有日蹙百里之憂。是亦承學之士。矯枉過直。故耳。不然。孟圓則水圓。孟方則水方。果使學者知所研求。則當此未有之奇局。學識益擴。安見不更闕。是論議崇厥體裁。使神州文學益臻無上之程度。世界愈進化。文學愈退化。未見其必然也。讀者勉焉。

教育部審定批詞

中學和國教科書 中國文學史及參考書

教科書簡括
得要參考書
引證得宜於
學者教者皆
足資研究應
准審定作為
中學校教科
書及教員參
考書可也

部又(143)

Republican Series
History of Chinese Literature
For Middle Schools
Approved by the Board of Education
Commercial Press, Ltd.
All rights reserved

中華民國三年八月初版

*(共和國教科書) 中國文學史一冊

(軟布面每冊定價大洋伍角)

(外埠酌加運費滙費)

編纂者 杭縣王夢曾

校訂者 武進蔣維喬

發行者 商務印書館

印刷所 上海北河南路北首寶山路 商務印書館

總發行所 上海棋盤街中市 商務印書館

分售處 商務印書分館

漢口長沙常德衡州成都重慶
連縣福州廣州潮州香港桂林
梧州雲南貴陽張家口新嘉坡

此書有著作權翻印必究

中華民國三年九月十六日稟部註冊十月二日領到文字第二百七十號執照

